


CELEBRACIÓN DO DOMINGO N'OS COTOS

2-3 de xuño do 2018

FESTA DO CORPUS CHRISTI



OS COTOS COA IGUALDADE VERDADEIRA DAS PERSOAS,
CO POBO DE SIRIA QUE SOFRE UNHA GUERRA INJUSTA,
COS REFUXIADOS E MARXINADOS DA SOCIEDADE
E COA NATUREZA MALTRATADA POLOS INCENDIOS



1.- ENCONTRO DA COMUNIDADE

(tod@s de pé)

@ monitor/a está na sé

CANTO DE ENTRADA 🎵 n° 3 *Unha xuntanza*

SAÚDO DE BENVIDA

Celebrante

Benvidos sexamos todos a esta celebración. Reunímonos para compartir en comunidade, e facémolo no nome do Pai, do Fillo e do Espírito Santo.

Hoxe, nesta festa do Corpus, afirmamos a nosa fe na presenza real de Xesús entre nós. E a forma de darlle corpo e vida ao Corpo de Cristo é camiñar día a día dando vida e sendo exemplo de amor e caridade.

Hoxe, na festa da gratuidade total, na festa do Corpo e do Sangue do Señor, Cáritas chámamos a non esquecer que os xestos verdadeiramente importantes son os que saen do corazón: a entrega, o cariño, o compromiso. De certo que “as cousas importantes fanse co corazón”.

Con Cristo facemos a xustiza, para que todos teñamos pan, con Cristo vivimos a fraternidade para que ninguén se sinta só, con Cristo ofrecemos solidariedade para que ninguén quede afastado da mesa da vida, con Cristo medramos no amor e na fe para que todos poidamos ser membros do seu corpo facendo crible o evanxeo.

ACTO PENITENCIAL

Celebrante Comezamos a celebración mirando a nosa vida, porque nela, ás veces, obramos sen facer presente e real a Cristo entre nós. Recoñecelo é pornos no camiño de pedir perdón:

Monitor/a

- Acompañámoste en procesión triunfal polas nosas rúas e prazas, pero seguimos marxinando aos pobres, os teus preferidos.

SEÑOR TEN MISERICORDIA DE NÓS

- Sentamos piadosamente á túa mesa; pero non nos sentimos verdadeiramente irmáns.

CRISTO TEN MISERICORDIA DE NÓS

- Alimentámonos co pan da vida; pero non nos enchemos da túa Vida.

SEÑOR TEN MISERICORDIA DE NÓS

Celebrante Deus todopoderoso teña piedade de nós e dos que teñen un lugar nos nosos corazóns, nos conceda o perdón dos pecados e nos leve á vida eterna. Amén.

ORACIÓN PROPIA DO DÍA

Celebrante Rematamos a primeira parte da celebración presentando no silencio o que rebule no noso interior, agradecemos a cantos comparten mesa con nós, e lembramos aos refuxiados, e a todas as persoas que non teñen nin mesa nin pan.

(silenzo)

Deus, neste sacramento admirable deixáchesnos o memorial da túa Vida. Concédenos venerar o santo misterio do teu Corpo e do teu sangue de xeito que sintamos en nós o froito da túa redención. Ti, noso Señor e Deus, que vives e reinas co Pai, na unidade do Espírito Santo, por sempre eternamente. Amén

2.- PROCLAMACIÓN DA PALABRA DE DEUS

(sentad@s) a palabra de Deus proclámase dende o ambón

Celebrante A Palavra de Deus que agora imos escoitar é recordo do que para nós é o pan e mailo viño. Son memorial de Xesús, do sacrificio da súa vida, fano presente entre nós, e nese compartir somos membros do seu corpo.

Xesús é pan vivo, e nós estamos chamados a ser vida e pan para facer crible a fe. Escoitémolos.

No Leccionario I B páxina

LECTURA

LECTURA DA CARTA AOS HEBREOS

♪ *nº 41 Quen nos vai separar de Ti*

SALMO

(en pé) No Leccionario I B páxina

EVANXEO

PROCLAMACIÓN DO SANTO EVANXEO

SEGUNDO MARCOS

(sentad@s) gardamos uns instantes de silencio para acoller a palabra no corazón

PROFESIÓN DA FE

Celebrante Deixémonos alumar pola luz da fe que recibimos no bautismo e profesemos a nosa fe no Deus feito Corpo e Sangue para a nosa vida:

♪ *Creo, Señor, pero aumenta a miña fe*

Monitor/a

Credes en Deus, Pai, que ama de verdade e que nos creou á súa semellanza para amar?

Creo, Señor, pero aumenta a miña fe

Credes en Xesucristo, irmán de todos, que demostrou que compartir e dar vida é o camiño que nos achega ao Reino do ceo?

Creo, Señor, pero aumenta a miña fe

Credes no Espírito Santo, que alenta no corazón para sermos testemuñas de Cristo feito Pan de Vida para todos?

Creo, Señor, pero aumenta a miña fe

Credes na igrexa familia de todos os homes e mulleres que en comunidade queren ser membros do Corpo de Cristo?

Creo, Señor, pero aumenta a miña fe

(en pé) **ORACIÓN UNIVERSAL**
Celebrante A Ti, Deus da paz e da xustiza, do amor e da vida, rezamos dicindo confiados:

Señor da vida, escóitanos

Monitor/a

1.- Por todas as persoas que teñen calquera tipo de responsabilidade, para que leven a cabo a súa tarefa con espírito de xustiza e solidariedade, oremos.

2.- Pola Igrexa, Corpo de Cristo, para que, dende a gratuidade, saibamos descubrir, alentar e acompañar a tantas persoas crucificadas hoxe en día: parados, maiores, refuxiados, enfermos, ... oremos.

3.- Polas nosas comunidades, para que sexamos niño de acollida no que ninguén se sinta afastado, oremos.

4.- Pedimos por tantas e tantas persoas que viven a súa vida no servizo aos últimos. Para que non cansen na súa tarefa e sempre atopen a nosa man aberta para axudarlles, oremos.

5.- Por cada un e cada unha de nós, que compartimos unha mesma fe e un mesmo alimento, para que sempre lle poñamos corazón a todo aquilo que facemos, oremos.

Celebrante Grazas, Señor, por querer ser alimento na nosa vida, Ti que, Resucitado, vives e reinas no medio de nós por sempre eternamente. Amén.

3.- OS SIGNOS DA COMUÑÓN CON DEUS E COA COMUNIDADE

NOSO PAI

Celebrante Rezar é saber que somos membros do Corpo de Cristo. É ter experiencia persoal de Deus, é fundirnos con Él, é falarlle ao seu corazón. Facémolo como nos ensinou
NOSO PAI ...

SIGNO DA PAZ

Celebrante Compartir con Cristo arredor do altar é ter o valor de tender a man a todos, sen excepción, para sermos coma Él, VIDA. É moi fácil, só hai que intercambiar un saúdo de paz, para calar aos que se cren máis valentes por usar a violencia. Nós damos vida espallando a paz con todos.

CANTO 🎵 *nº 36 Fagamos a paz irmáns*

COMUÑÓN

Celebrante O señor segue a reunirnos ao arredor dunha mesa para que compartindo, o descubramos. Sintámonos benaventurados e ditosos pois, coma membros do seu Corpo, estamos agora convidados a este Pan do Señor.

CANTO 🎵 *nº 47 Ti es o pan do ceo*

4.- AVISOS E DESPEDIDA

ORACIÓN FINAL

Celebrante Señor, na Eucaristía ti dásnos o teu Corpo e o teu Sangue que anuncian e anticipan o banquete do teu Reino.

Que por esta comunión de hoxe consigamos a plenitude da túa vida eterna. Ti que vives e reinas por sempre eternamente.

Procesión

Preparamos a custodia e cantando 48 “Pan do ceo” saímos en procesión.

Na mesa do cruceiro temos a oración

Cristo, non téns mans, téns só as nosas mans
para construír un mundo onde haxa xustiza.
Cristo, non téns pés, téns só os nosos pés
para por en marcha a liberdade e o amor.
Cristo, non téns labios, téns só a nosa boca
para anunciar polo mundo a boa noticia dos pobres.
Cristo, non téns medios, téns só o noso obrar
para lograr que todas as persoas sexan irmáns.
Cristo, nós somos o teu evanxeo, o único que as persoas
poden ler, se as nosas vidas son obras e palabras túas.
Cristo, danos a túa forza para facer medrar os nosos dons
e facer ben todas as cousas.

e facemos bendición da comunidade e da parroquia co Santísimo, cantamos 47-48 “Ti elo pan do ceo, ou pan do ceo” e continuamos a procesión. Xa na igrexa cántase “Quédate Señor conosco”, reservamos o Santísimo e rematamos

Que o Señor nos bendiga, † nos garde de todo mal
e nos leve á vida eterna. Amén

Avísase das misas (ver folla do mes)